



Հաստատված է

ՀՀ ԳԱԱ ԳԿՄԿ գիտական խորհրդի
« 6 » ապրիլի 2021 թ. թիվ 154 նիստում

ՀՀ ԳԱԱ ԳԿՄԿ տնօրեն

A. Sargsyan
Ա. Սարգսյան

ԿԱՆՈՆԱԴՐՈՒԹՅՈՒՆ

ՀՀ ԳԱԱ ԳԻՏԱԿՐԹԱԿԱՆ ՄԻՋԱԶԳԱՅԻՆ ԿԵՆՏՐՈՆԻ

ԿԵՆՍԱԻՆՖՈՐՄԱՏԻԿԱՅԻ ԳԻՏԱԿԱՆ ԼԱԲՈՐԱՏՈՐԻԱՅԻ

1. ԸՆԴՀԱՆՈՒՐ ԴՐՈՒՅԹՆԵՐ

1.1 ՀՀ ԳԱԱ գիտակրթական միջազգային կենտրոնի կենսահինֆորմատիկայի գիտական լաբորատորիան (այսուհետ՝ Լաբորատորիա) ՀՀ ԳԱԱ ԳԿՄԿ կառուցվածքային գիտական ստորաբաժանում է:

1.2. ՀՀ ԳԱԱ գիտակրթական միջազգային կենտրոնի (այսուհետ՝ ԳԿՄԿ) Լաբորատորիան հիմնադրվում է կենսահինֆորմատիկայի գիտական խմբի՝ որպես համակարգչային ֆիզիկայի, քիմիայի և կենսաբանության առաջատար գիտական օջախի հենքի վրա, որը գործում է ՀՀ ԳԱԱ -ում 2000 թ.-ից:

1.3. Լաբորատորիայի լրիվ անվանումն է՝ *ՀՀ ԳԱԱ գիտակրթական միջազգային կենտրոնի կենսահինֆորմատիկայի գիտական լաբորատորիա:*

Կրճատ անվանումն է՝ ՀՀ ԳԱԱ ԳԿՄԿ ԿԻԳԼ

Լաբորատորիայի անգլերեն անվանումն է՝ *The Bioinformatics Scientific Laboratory of The International Scientific-Educational Center of the National Academy of Sciences of Armenia.*

Կրճատ անվանումն է՝ *BISL ISEC NAS RA*

Լաբորատորիայի հասցեն է՝ Մ. Բաղրամյան 24դ, 0019 Երևան, ՀՀ

1.4 . Լաբորատորիան իր գործունեության ընթացքում ղեկավարվում է ՀՀ օրենսդրությամբ, ԳԿՄԿ կանոնադրությամբ, ԳԿՄԿ կառավարման մարմինների որոշումներով, ԳԿՄԿ ներքին կարգապահական կանոններով, սույն կանոնադրությամբ և այլ իրավական ակտերով:

1.5. Լաբորատորիան ունի պաշտոնական երկլեզու կայքէջ՝ <http://bioinformatics.am/> :

1.6. Լաբորատորիան ունի ձևաթուղթ և տարբերանշան, որը ներկայացված է Լաբորատորիայի պաշտոնական կայքէջում՝ հետևյալ հասցեով՝ <http://bioinformatics.am/>:

2. ԼԱՔՐՐԱՏՈՐԻԱՅԻ ԳՈՐԾՈՒՆԵՈՒԹՅԱՆ ՆՊԱՏԱԿԸ ԵՎ ԽՆԴԻՐՆԵՐԸ

2.1. ա) Լաբորատորիայի գործունեության նպատակն է կենսաբանության, քիմիայի, ֆիզիկայի և կենսաինֆորմատիկայի զարգացման ոլորտում նորագույն տեխնոլոգիաների, մեթոդների և միջոցների կիրառմամբ գիտական, ուսումնական և հետազոտական գործունեության իրականացումը, ասպիրանտների, մագիստրոսների հետ գիտաուսումնական աշխատանքների կատարումը:

բ) Կենսաինֆորմատիկայի, ֆիզիկայի և քիմիայի ոլորտներում մագիստրանտների և ասպիրանտների կողմից նորագույն տեխնոլոգիաների գործադրմամբ սարքերով և սարքավորումներով աշխատելու հմտությունների ձեռքբերում,

գ) կենսաինֆորմատիկայի, համակարգչային ֆիզիկայի, քիմիայի, կենսաբանության և ծրագրավորման ոլորտներում գիտական և հետազոտական ուսումնասիրությունների և գիտական ատենախոսությունների պատրաստում,

դ)) կենսաինֆորմատիկայի, համակարգչային ֆիզիկայի, քիմիայի ոլորտներում որակյալ մասնագետների պատրաստում և վերապատրաստումների իրականացում:

2.2 Կանոնադրությամբ սահմանված նպատակների իրականացման համար Լաբորատորիան իրավասու է համագործակցել և կնքել համաձայնագրեր այլ կազմակերպությունների և գործընկերների հետ (նաև միջազգային), մասնակցել գիտաժողովների կենսաինֆորմատիկայի ոլորտում առաջարկվող ծրագրերի իրականացման շրջանակներում:

2.3 Լաբորատորիայում կազմակերպվում են մասնագիտական դասընթացներ և վերապատրաստումներ հետևյալ ուղղություններով.

ա. Կենսաինֆորմատիկա և մոլեկուլային դինամիկա

բ. Համակարգչային փորձ

գ. Համակարգչային կենսաբանություն

դ. Համակարգչային քիմիա

ե. Համակարգչային ֆիզիկա

զ. Ծրագրավորում

2.4 Լաբորատորիան համագործակցում է ԳԿՄԿ-ում գործող այլ լաբորատորիաների և ստորաբաժանումների, հրատարակվող գիտական ամսագրերի, հանդեսների խմբագրական-հրատարակչական խորհուրդների հետ.

2.5 Համագործակցում է ԳԿՄԿ մյուս ստորաբաժանումների և այլ բուհերի գիտահետազոտական կենտրոնների հետ.

2.6. Կազմակերպում է ինքնուրույն գիտական սեմինարներ, գիտաժողովներ, կլոր սեղաններ և այլ միջոցառումներ.

3. ԼԱԲՈՐԱՏՈՐԻԱՅԻ ԳՈՐԾՈՒՆԵՈՒԹՅԱՆ ՀԻՄՆԱԿԱՆ ՈՒՂՂՈՒԹՅՈՒՆԵՐԸ

3.1 Կենսաթաղանթների համակարգչային մոդելավորում և ուսումնասիրություններ մոլեկուլային դինամիկայի (ՄԴ) մեթոդով.

3.2 Բարդ, մոլեկուլային համակարգերի, այդ թվում՝ մակերեսային ակտիվ նյութերի և պոլիմերների լուծույթների համակարգչային մոդելավորում և ՄԴ ուսումնասիրություններ:

3.3 Մասնագիտացված ծրագրային փաթեթների մշակում և ծրագրավորում:

4. ԼԱԲՈՐԱՏՈՐԻԱՅԻ ԿԱՌԱՎԱՐՈՒՄԸ

4.1. Լաբորատորիան անմիջապես ղեկավարում է կենսահնթորմատիկայի գիտական լաբորատորիայի վարիչը, որին նշանակում և պաշտոնից ազատում է ԳԿՄԿ տնօրենը:

4.2. *Լաբորատորիայի վարիչի իրավունքներն են՝*

4.2.1. ԳԿՄԿ կառուցվածքային ստորաբաժանումներից ստանալ անհրաժեշտ տեղեկատվություն, փաստաթղթեր, իր գործունեությունը իրականացնելու համար:

4.2.2. Ներկայացնել առաջարկություններ ԳԿՄԿ տնօրենին՝ Լաբորատորիայի աշխատողներին խրախուսելու կամ կարգապահական պատասխանատվության ենթարկելու վերաբերյալ:

4.2.3 Ընտրել թեկնածուներ թափուր պաշտոնների համար և ներկայացնել սահմանված կարգով աշխատանքի ընդունման փաստաթղթերը:

4.2.4 Ներկայացնել առաջարկություններ ԳԿՄԿ գիտահետազոտական աշխատանքների գծով փոխտնօրենին և տնօրենին Լաբորատորիայի գործունեությունն առավել արդյունավետ կազմակերպելու նպատակով:

4.2.5. ՀՀ օրենսդրությամբ և այլ իրավական ակտերով նախատեսված այլ իրավունքներ:

4.2.6. ՀՀ օրենսդրությամբ սահմանված կարգով կնքել պայմանագրեր (այդ թվում միջազգային) ՀՀ գիտական կազմակերպությունների, միջազգային կառույցների և տվյալ ոլորտի այլ մասնագիտացված հաստատությունների հետ:

4.3 Լաբորատորիայի վարիչի գործառույթներն են՝

4.3.1. Ղեկավարել, համակարգել և վերահսկել լաբորատորիայի ընթացիկ գործունեությունը:

4.3.2. Ստորագրել Լաբորատորիայի կողմից ներկայացվող փաստաթղթերը, ապահովել Լաբորատորիայի գործառույթների շրջանակում զեկուցագրեր, տեղեկանքներ, առաջարկություններ և այլ փաստաթղթեր կազմելու գործընթացը:

4.3.3. Կատարել աշխատանքի բաժանում Լաբորատորիայի աշխատողների միջև:

4.3.4. Մշակել և ԳԿՄԿ գիտական խորհրդի հաստատմանը ներկայացնել բազային ֆինանսավորման հայտը և հաշվետվությունները:

4.3.5 Հետևել լաբորատորիայի գիտաշխատողների կողմից ծրագրի կատարման ընթացքին:

4.3.6. Վերլուծել և ամփոփել լաբորատորիայի գիտաշխատողների եռամսյակային և տարեկան հաշվետվությունները:

4.3.7. Լաբորատորիայի վարիչը պատասխանատու է Լաբորատորիայի կողմից իրականացվող աշխատանքների որակի և Լաբորատորիայի առջև դրված խնդիրների պատշաճ և արդյունավետ լուծման համար:

4.3.8. Լաբորատորիայի վարիչը հաշվետու է ԳԿՄԿ գիտահետազոտական աշխատանքների գծով փոխտնօրենին և տնօրենին:

5. ԼԱԲՈՐԱՏՈՐԻԱՅԻ ԿԱԶՄԸ ԵՎ ԿԱՌՈՒՑՎԱԾՔԸ

5.1. Լաբորատորիայի հաստիքացուցակը սահմանում և դրա մեջ փոփոխություններ է կատարում ԳԿՄԿ տնօրենը՝ Լաբորատորիայի վարիչի առաջարկությամբ:

5.2 Լաբորատորիայի աշխատողները կատարում են իրենց անմիջական ղեկավարի հանձնարարականները՝ սահմանված աշխատանքային պայմանագրով, պաշտոնի անձնագրով, ներքին կարգապահական կանոններով և այլ իրավական ակտերով, և պատասխանատու են դրանց կատարման համար:

5.3 Լաբորատորիայի աշխատողներն իրականացնում են Լաբորատորիայի գործառույթներից բխող աշխատանքներ:

5.4 Լաբորատորիայի աշխատողները մասնակցում են միջազգային տարբեր գիտաժողովների և սեմինարների, ներկայացնում են զեկուցումներ և հրատարակում հոդվածներ:

5.5 Լաբորատորիայի աշխատողները կարող են տպագրել գիտական հոդվածներ, ձեռնարկներ և գրքեր ինչպես ՀՀ գիտական ամսագրերում, հանդեսներում և պարբերականներում, այնպես էլ միջազգային գիտական հեղինակավոր ամսագրերում:

6. ԼԱԲՈՐԱՏՈՐԻԱՅԻ ԳՈՒՅՔԸ ԵՎ ՖԻՆԱՆՍԱՎՈՐՈՒՄԸ

6.1 Լաբորատորիայի աշխատանքների ֆինանսավորումն իրականացվում է ՀՀ պետական բյուջեի միջոցներից, դրամաշնորհային ծրագրերի (ազգային և միջազգային), ինչպես նաև մասնավոր կազմակերպություններից, և անհատներից փոխանցված նյութական արժեքների և կամավոր նվիրատվությունների միջոցով:

6.2 Լաբորատորիան, իր գործունեության նպատակներին և խնդիրներին համապատասխան, ՀՀ ԳԱԱ ԳԿՄԿ սահմանած լիազորությունների շրջանակներում, տիրապետում և օգտագործում է ՀՀ ԳԱԱ ԳԿՄԿ-ի կողմից իրեն տրամադրված և իր գործունեության արդյունքում ձեռք բերված գույքը նշանակությանը համապատասխան:

7. ԵԶՐԱՓՈՒԿ ԴՐՈՒՅԹՆԵՐ

7.1 Լաբորատորիայի վերակազմակերպումը կամ լուծարումը, ինչպես նաև Կանոնադրությունում փոփոխություններ և լրացումներ կատարելը իրականացվում է օրենքով սահմանված կարգով և ԳԿՄԿ կանոնադրությանը համապատասխան: